

魏書宗室傳注

魏書宗室傳注卷九

上虞 羅振玉

文成五王列傳第八

魏書二十

安樂王

廣川王

齊郡王

河間王

安豐王

文成皇帝七男孝元皇后生獻文皇帝李夫人生安樂厲王
長樂曹夫人生廣川莊王略沮渠夫人生齊郡順王簡乙夫
人生河間孝王若悅夫人生安豐匡王猛玄夫人生韓哀王
若

若

北史無
若字

安平王早薨無傳

顯祖紀天安元年二月己未皇弟安平薨

安樂王長樂皇興四年封建昌王後改封安樂王

高祖紀改封安樂在延興五年十二月丙寅

寅長樂性凝重顯祖器愛之承明元年拜太尉出爲定州刺

史鞭撻豪右頓辱衣冠多不奉法爲人所患百姓詣闕訟其

過高祖罰杖三十貪暴彌甚以罪徵詣京師後與內行長乙

肆虎謀爲不軌事發賜死於家高祖紀長樂賜死在太和三年己未葬以王禮諡曰厲

子詮字搜賢元詮墓誌作字休賢襲世宗初爲涼州刺史詮誌少襲王爵加征西大將軍又以本官領太子中庶子及皇居徙御領

員外散騎常侍勅兼侍中尋除冠軍將軍涼州刺史尋又進號平西將軍傳不載涼州刺史以前歷官在州貪穢政以賄成世宗紀正始三年八月己酉詔平南將軍安樂王詮

督後發諸軍討淮南傳失書後除定州刺史及京兆王愉之反詐言國變在北州

鎮咸疑朝廷有豐遣使觀詮動靜詮具以狀告州鎮帖然愉

奔信都詮與李平高殖等四面攻燒愉突門而出世宗紀詮平愉亂在永平元年尋

除侍中兼以首告之功除尙書左僕射薨諡曰武康世宗紀作延昌元年二月己未

莫詮誌作永平五年三月廿八日戊午薨與傳不合案紀永平無五年四年以後即改延昌據志則延昌元年在五年三月之後也

子鑒字長文襲肅宗紀正光五年蕭衍遣將寇淮陽詔祕書鑒安樂王鑒率衆討之孝昌元年正月蕭衍遣將胡龍牙成景雋元略等赴彭城詔鑒回師討之鑒於彭城南擊元略大破之盡俘其

衆既而不備爲元
法僧所敗傳失書

後除相州刺史北討大都督討葛榮仍兼尙書右

北史

僕射北道行臺尙書令與都督裴衍共救信都鑒既庸才

諸弟麤暴見天下多事遂謀反降附葛榮都督源子邕與裴

衍合圍鑒斬首傳洛

肅宗紀鑒反及
滅在孝昌三年

詔改其元氏莊帝初許復本族

又特復鑒王爵贈司空

鑒弟斌之字子爽性險無行

肅宗紀孝昌三年二月庚申東郡民趙顯德
反四月別將元斌之討東郡斬顯德傳失書

及與鑒

反敗遂奔葛榮榮滅得還出帝時封潁川郡王

出帝紀斌之封潁川郡王
在永熙三年二月壬午

委以腹心之任帝入關斌之奔蕭衍後還長安

北史大統二年還長安立
尙書令薨贈太尉諡武襄

廣川王略延興二年封位中都大官性明敏鞠獄稱平太和

四年薨

高祖紀略受封在延興二年十一月
丁亥薨於太和四年正月乙卯

諡曰莊

子諧字仲和襲十九年薨

高祖紀諧以太和十
九年五月己巳薨

詔曰朕宗室多故從弟

諸喪逝悲痛摧割不能已已古者大臣之喪有三臨之禮此蓋三公已上至於卿司已下故應闕自漢已降多無此禮朕

欲遵古典哀感從情雖以尊降伏私痛寧爽欲令諸王有期

親者爲之三臨大功之親者爲之再臨小功總麻爲之一臨

廣川王於朕大功必欲再臨再臨者欲於大殮之日親臨盡

哀成服之後總麻

北史作衰

而弔既殯之總麻理在無疑大殮之臨

當否如何爲須撫柩於始喪爲應盡哀於闔棺早晚之宜擇

其厥中黃門侍郎崔光宋弁通直常侍劉芳典命下大夫李

元凱中書侍郎高敏等議曰三臨之事乃自古禮爰及漢魏

行之者稀陛下至聖慈仁方遵前軌志必哀喪慮同寧戚臣

等以爲若期親三臨大功宜再始喪之初哀之至極旣以情

降宜從始喪大殮之臨伏如聖旨詔曰魏晉已來親臨多闕
至於戚臣必於東堂哭之頃大司馬安定王薨朕既臨之後
復更受慰於東堂今日之事應更哭否光等議曰東堂之哭
蓋以不臨之故今陛下躬親撫視羣臣從駕臣等參議以爲
不宜復哭詔曰若大司馬戚尊位重必哭於東堂而廣川既
是諸王之子又年位尙幼卿等議之朕無異焉諸將大殮高

祖素服

北史作素委貌

深衣哭之入室哀慟撫尸而出有司奏廣川王

妃薨於代京未審以新尊從於卑舊爲宜卑舊來就新尊詔
曰遷洛之人自茲厥後悉可歸骸卽嶺皆不得就塋恒代其
有夫先葬在北婦今喪在南婦人從夫宜還代葬若欲移父
就母亦得任之其有妻墳於恒代夫死於洛不得以尊就卑

欲移母就父宜亦從之若異葬亦從之若不在葬限身在代
喪葬之彼此皆得任之其戶屬恒燕身官京洛去留之宜亦
從所擇其屬諸州者各得任意詔贈諸武衛將軍諡曰剛及
葬高祖親臨送之

子靈道襲卒諡悼王

齊郡王簡字叔亮太和五年封位中都大官簡母沮渠牧犍
女也簡性貌特類外祖後爲內都大官高祖嘗與簡俱朝文

明太后於皇信堂簡居帝之右行人禮遷太保

高祖紀簡遷太保在太和十五年十二月

高祖仁孝以諸父零落存者唯簡每見立以待之俟坐致敬
問起居停簡拜伏簡性好酒不能理公私之事妻常氏燕郡
公常喜女也文明太后以賜簡性幹綜家事頗節斷簡酒乃

至盜竊求乞婢侍卒不能禁二十三年薨時高祖不豫詔曰叔父薨背痛慕摧絕不自勝任但虛頓床枕未堪奉赴當力疾發哀諡曰靈王世宗時改諡曰順

簡長子演近有墓誌出洛陽載演字智興齊郡諡順王之長子初除太子洗馬轉拜中壘將軍

散騎侍郎尋授衛尉少卿春秋三十有五延昌二年二月六日辛酉贈梁州刺史傳遺其人爲補簪之

子祐字伯授

元祐墓誌作字伯授

襲母常氏高祖以納不以禮不許其爲妃

世宗以母從子貴詔特拜爲齊國太妃祐位涇州刺史

祐誌景明二年薨承

基運正始二年除龍驤將軍通直散騎常侍永平五年除征虜將軍涇州刺史

薨諡曰敬

肅宗紀神龜二年二月乙丑薨祐誌作春秋三十有二神龜二年正月六日薨追贈使持節平東將軍冀州刺史孝

莊紀武泰元年四月己亥河陰遇害諸王中有齊郡王溫疑是祐後

河間王若字叔儒年十六未封而薨

高祖紀太和二年六月庚子皇叔若薨

追封河間諡

曰孝詔京兆康王子太安爲後太安於若爲從弟非相後之

義廢之以齊郡王子琛繼

高祖紀以琛繼若在太和二十一年十二月

琛字曇寶幼而敏慧高祖愛之世宗時拜定州刺史琛妃世宗舅女高皇后妹琛憑恃內外多所受納貪恠之極及還朝靈太后詔曰琛在定州惟不將中山宮來自餘無所不致何可更復叙用由是遂廢于家琛以肅宗始學獻金字孝經又無方自達乃與劉騰爲養息賂騰金寶巨萬計騰屢爲之言乃得兼都官尙書出爲秦州刺史在州聚斂百姓吁嗟屬東益南秦二州氏反詔琛爲行臺仍充都督還攝州事琛性貪暴旣摠軍省求欲無厭百姓患害有甚狼虎進討氏羌大被摧破士卒死者千數率衆走還內恃劉騰無所畏憚爲中尉糾彈會赦除名爲民尋復王爵

肅宗紀討氏兵敗在正光二年十二月削爵在四年二月復爵在五年七月戊午又正光五年九月蕭衍將裴邃虞

鳩襲據壽春外詔琛總衆援之傳失書

後討鮮于脩禮敗免官爵

肅宗紀琛討脩禮敗免官爵在孝昌二年

後討汾晉胡

蜀卒於軍追復王爵

安豐王猛字季烈太和五年封加侍中

高祖紀太和十二年十一月以侍中出安豐王猛爲開府儀同三司傳失書

出

爲和龍鎮都大將營州刺史猛寬仁雄毅甚有威略戎夷畏

愛之薨于州

高祖紀猛以太和十三年十一月己未薨

贈太尉諡曰匡

子延明襲世宗時授太中大夫延昌初歲大飢延明乃減家

財以拯賓客數十人并贍其家至肅宗初爲豫州刺史甚有

政績累遷給事黃門侍郎延明旣博極羣書兼有文藻鳩集

圖籍萬有餘卷性清儉不營產業與中山王熙及弟臨淮王

彧等並以才學令望有名於世雖風流造次不及熙彧而稽

古淳篤過之尋遷侍中詔與侍中崔光撰定服制

肅宗紀撰定服制事在正光二年十二月

甲辰

後兼尙書右僕射以延明博識多聞勅監金石事及元法

僧反詔爲東道行臺徐州大都督節度諸軍事與都督臨淮王彧尙書李憲等討法僧蕭衍遣其豫章王綜鎮徐州延明先牧徐方甚得民譽招懷舊土遠近歸之綜旣降延明因以軍乘之復東南之境至宿豫而還遷都督徐州刺史頻經師旅人物凋敝延明招攜新故人悉安業百姓咸附莊帝時兼尙書令大司馬及元顥入洛延明受顥委寄率衆守河橋顥

敗遂將妻子奔蕭衍死於江南

元延明墓誌服闋初襲爵土乃兼西中郎將起家太中大夫除使持節都督豫州諸軍事征虜將軍徐州刺史加散

騎常侍除使持節都督徐州諸軍事左將軍徐州刺史又除使持節都督雍州諸軍事右將軍雍州刺史拜廷尉卿將軍如故除前將軍給事黃門侍郎又除祕書監平南將軍中書令並仍黃門俄除侍中安南將軍又除鎮南將軍仍侍中又

除衛將軍仍侍中領國子祭酒又以本官兼尙書右僕射又監校御書除衛大將軍東道僕射大行臺本官如故增封二千六百戶仍以本大行臺本官行徐州事仍除使持節都督三徐諸軍事本將軍徐州刺史侍中大行臺僕射如故復除

使持節都督雍州諸軍事本將軍雍州刺史俄間復除徐州刺史仍侍中本將軍尋加驃騎大將軍儀同三司給後部鼓吹又除侍中驃騎大將軍開府儀同三司領國子祭酒兼尙書令除大司馬屯遼距運禍自昵蕃車駕北巡事起倉卒祕

事難聞遂乖奔赴皇輿南反誅賞方行政出權強深猜俊傑公方借力善隣討茲君側而江南卑濕地非養賢隨賈未歸忽焉反葬以梁中大通二年三月十日薨於建康春秋四十七記延明仕履甚詳而不記遷除年月肅宗紀載延明以國

子祭酒爲東道行臺在孝昌元年正月以徐州刺史爲儀同三司在二年三月

莊帝末喪還出帝初贈太保王如故

墓誌今上

天臨深追盛美贈使持節侍中太保特進大將軍雍州刺史王如故

諡曰文宣所著詩賦讚頌銘誄三百餘篇

又撰五經宗略詩禮別義注帝王世紀及列仙傳

帝王世紀及列仙傳墓誌作帝皇世紀及


列仙傳合一百卷

又以河間人信都芳工算術引之在館其撰古今樂事

九章十二圖又集器準九篇芳別爲之注皆行於世

北史孫長儒孝靜時襲祖爵

注九



魏書宗室傳注卷十

上虞 羅 振玉

獻文六王列傳第九上 魏書二十

咸陽王 趙郡王 廣陵王

高陽王 北海王

獻文皇帝七男李思皇后生孝文皇帝封昭儀生成陽王禧
韓貴人生趙郡靈王幹高陽文穆王雍孟椒房生廣陵惠北史作慧
王羽潘貴人生彭城武宣王勰高椒房生北海平王詳勰別
有傳

咸陽王禧字永壽

北史作字思永

太和九年封加侍中驃騎大將軍中

都大官文明太后令曰自非生知皆由學誨皇子皇孫訓教

不立溫故求新蓋有闕矣可於閒靜之所別置學館選忠信博聞之士爲之師傅以匠成之高祖以諸弟典三都誠禧等曰汝等國之至親皆幼年任重三都折獄特宜用心夫未能操刀而使割錦非傷錦之尤寔授刀之責皆可修身慎行勿有乖爽文明太后亦誠禧等曰汝兄繼承先業統御萬機戰戰兢兢恒恐不稱汝所治雖小亦宜克念高祖又曰周文王小心翼翼聿懷多福如有周公之才使驕且吝其餘不足觀汝等宜小心畏慎勿自驕怠出爲使持節開府冀州刺史高祖餞於南郊又以濟陰王鬱枉法賜死之事遣使告禧因而誠之後禧朝京師高祖謂王公曰皇太后平日以朝儀闕然遂命百官更欲撰緝今將畢修遺志卿等謂可行不當各盡

對無以面從禧對曰儀制之事用捨各隨其時而人可使由之不可使知之臣謂宜述元志備行朝式高祖然之詔曰仲尼在鄉黨猶尚恂恂周文王爲世子卑躬求道禧等雖連蔓宸暉得不尊尚師傅也故爲置之以加令德延尉卿李沖可咸陽王師禧將還州高祖親餞之賦詩叙意加禧都督冀相亮東亮南豫東荆六州諸軍事於時王國舍人應取八族及清修之門禧取任城王隸戶爲之深爲高祖所責詔曰夫婚姻之義曩葉攸崇求賢擇偶綿代斯慎故剛柔著於易經鵲巢載於詩典所以重夫婦之道美尸鳩之德作配君子流芳後昆者也然則婚者合二姓之好結他族之親上以事宗廟下以繼後世必敬慎重正而後親之夫婦旣親然後父子君

臣禮義忠孝於斯備矣太祖龍飛九五始稽遠則而撥亂創業日吳不暇至於諸王娉合之儀宗室婚姻之戒或得賢淑或乖好迷自茲以後其風漸缺皆人乏窈窕族非百兩擬匹卑濫舅氏輕微違典滯俗深用爲歎以皇子茂年宜簡令正前者所納可爲妾媵將以此年爲六弟娉室長弟咸陽王禧可娉故潁川太守隴西李輔女次弟河南王幹可娉故中散代郡穆明樂女次弟廣陵王羽可娉驃騎諮議參軍滎陽鄭平城女次弟潁川王雍可娉故中書博士范陽盧神寶女次弟始平王勰可娉廷尉卿隴西李沖女季弟北海王詳可娉吏部郎中滎陽鄭懿女有司奏冀州人蘇僧瓘等三千人稱禧清明有惠政請世胙冀州詔曰利建雖古未必今宜經野